

〔吾妻鏡〕十 文治六年元久正月六日辛酉兼任送使者於由利中八維平之許云古今間報六親。若夫婦怨敵之者尋常事也未有討主人敵之例兼任獨為始其例所赴鎌倉也者仍維平馳向于小鹿島大社山毛之左田之邊防戰及兩時維平被討取畢

〔書言字考節用集〕十數三族父黨母黨九族高祖父曾祖父祖父

〔口遊人倫〕高祖曾祖祖父己身子孫曾孫玄孫稱己子孫曾孫玄孫父己子謂之子孫

〔三代實錄〕四十五光孝天皇諱時康中天皇少而聰明好讀經史容止閑雅謙恭和潤慈仁寬曠親愛九族

性多風流尤長人事

〔白虎通〕宗族族者何也族者湊也聚也謂恩愛相流湊也上湊高祖下至玄孫一家有吉百家聚之合

而為親生相親愛死相哀痛有會聚之道故謂之族尚書曰以親九族族所以九何九之為言究也親

疎恩愛究竟謂之九族也謂父族四母族三妻族二父族四者謂父之姓為一族也父女昆弟適人有

子為二族也身女昆弟適人有子為三族也身女子適人有子為四族也母族三者母之父母為一族

也母之昆弟為二族也母之女昆弟為三族也母昆弟者男女皆在外親故合言之妻族二者妻之父

為一族妻之母為二族妻之親略故父母各一族禮曰惟氏三族之不虞尚書曰以親九族義同也一

說合言九族者欲明堯時俱三也禮所以獨父族四何欲言周承二弊之後民人皆厚於末故與禮母

族妻之黨廢禮母族父之族是以貶妻族以附父族也或言九者據有交接之恩也若邢侯之姨譚公

惟私也言四者據有服耳不相害所異也

〔日本書紀〕持統三十四年十月乙丑詔軍丁筑紫國上陽畔郡人大伴部博麻曰於天豐財重日足姬天皇七

年救百濟之役汝為唐軍見虜略中汝獨淹滯他界於今三十年矣朕嘉厥尊朝愛國賣己顯忠故賜務

大肆并施五匹緜一十屯布三十端稻一千束水田四町其水田及至曾孫也免三族課役以顯其功

〔日本書紀通證〕持統三十五三族父族母族